

周
易
或
問

周易或問卷一

發例律也識蒙律意也或問通律與意之所不及也或曰潔靜精微易教也易豈如是費辭哉曰君子所居而安者易之序也所樂而玩者爻之辭也疑未釋雖玩而不樂玩未樂雖居而不安或問之作將以釋疑也若占則固潔靜翫微一聽之神明無所庸吾力矣然必平時學易中無疑滯易乃可占作或問

或問通義之說曰子知朱子本義命各之意乎朱子嘗言有文王易有孔子易不可便以孔子之說為文王之說本義之作蓋本文王之義而謂之本義也愚謂傳所以釋經無背馳之理區區管蠡蓋將繇孔子之義以通文王之義而謂之通義

也按朱子語錄曰或問訟六三或從王事無成本義謂必無成功似與象辭從上吉也之意不協又與坤六三文言亦不協竊意本義是直作占辭解如此未知是否荅曰易中經傳不同如此處多且兼存之然經意是本傳辭是第二節話也以上並見晁氏淵所錄大抵朱子有得於易其要領處正在此但謂傳異於經愚見終不能無疑夫後世所以得通文王周公之經者以有傳也使傳不作愚恐後世於經殆不能以句也况欲解其義哉昔者文周之作經於剛柔動靜消長逆順之理皆蘊而不宣但託之吉凶悔吝以為占者告孔子懼天下知事不知理而不知經意之所從來於是始以卦義卦

時卦德卦象卦位卦變六者錯綜以著吉凶悔吝所以然之
故故後世得以畧窺文周之義者傳之力也然文周亦非固
斷之也自當時觀之已甚發露如伏羲時則世尤簡質但以
畫占又無假於辭矣至周末易漸流為術數巫史之學大義
蕪晦故孔子明剛柔動靜消長逆順之理以正人心而承先
聖前後一揆恐不得謂之經傳不同也今姑以訟六三言之
六三曰食舊德貞厲終吉或從王事無成傳曰食舊德從上
吉也六三正應上九而九二九四爭之食舊德者猶言享其
素分也三當守舊以從上九或棄上九而從二四則致爭矣
故曰從上吉也非得夫傳孰知食舊德之為從上乎故不參

孔子之義無以通文周之義者為此類也。至於或從王事無成乃本義之別占謂或然而從五之事亦弗敢成也。從上吉止釋食旧德貞厲終吉非釋或從王事元成也。然指從上為吉則從五為無成意因隱然笑朱子從千載絕學之後獨推文周尚占之意誠非後儒所可及惜乎經領垂正未及再修故於傳文未免異議愚竊不自量如精衛填海蚩蚩負山寔欲翼本義之缺非敢自立門戶也。世有精識諒我此心。

或問乾元亨利貞朱子以為文王卦辭本謂筮得此卦者其占為大通而利於貞固。至夫始析為四德今子乃合二說而一之何也。曰夫傳所以釋經也。文王繫易未遑他及元亨利貞。

乃其首語開帙之初孔子即從而異之揆之人情殆不然也
蓋竊病之矣將以大通而利正之說為是歟則傳之旨有不
然者將以四德之說為是歟則經之旨有不然者唯聖人為
能述聖人經與傳豈容如是其背馳哉嘗試論之易之有辭
將以為占也將以為占唯惧人之不吾曉也是以卦爻之辭
或取諸牛羊豕或取諸歌笑號咷或取諸酒食肉腊或取
諸膚角口鼻下至猥褻瑣碎無不詳及與書詩春秋異者正
欲占者通智賢愚不肖而使易曉也今不曰大通而曰元亨
不曰宜正而曰利貞此必有故也故愚以為元亨利貞本係
四德在占者分上而言則為大通而宜於貞固蓋文王取天

道以明占辭是以其語特異而謂之元亨利貞也四德之目
意者占師相傳本有是語故春秋傳載穆姜之言已在彖傳
之先非夫子創意自裂為四左証明甚傳所以特詳於乾者
正以乾居六十四卦之首故於此發之以明乾德且以見四
者得名之實也朱子之說本自深得尚占之旨但以夫子之
有異文王之經語意未莹厥後建安蔡氏淵寬其有碍遂盡
弃師說而專主四德則又矯枉之過也

或問朱子本義釋元亨利貞之義而曰四者之間生氣流行初
无間斷此元之所以包四德而統天也其以聖人而言則孔子
之意蓋以此卦為聖人得天位行天道而致太平之占也今

子於乾象傳既引上文乃脫去則孔子之意五字何也曰此
周公之意而夫子承之恐不得謂出於夫子也今以六爻觀
之唯九三居人位而稱君子初潛龍四躍五飛上亢皆以龍
德明之乾君道也龍君象也龍德謂君德也自乾之外餘卦
無稱龍者所以別之也乾言龍義然則周公之意固以乾為
聖人得天位行天道而致太平之占矣恐不得謂出於夫子
也朱子本謂占筮之法當人人有受用若專歸之聖人則常
人無預故以為出於夫子之意而周公本意有不然也愚常
妄論占法固無所拘爻義則有所主方知圓神二者初不相
妨朱子亦謂理定既實事未尚虛應始有體該本無定而實

者休不可易來而虛者用雖萬變可也未來未應之先乃無思無為之時固不必預設兩端以待之矣

或問乾二五皆言利見大人說者謂在二則為利見大德之君在五則為利見大德之臣天下亦見大德之人今子亦專言天下利見何也曰八純卦皆無應何獨於乾言應文言曰見龍在田利見大人君德也所以明二之為大人也曰聖人作而萬物覲聖人作釋飛龍在天而萬物覲釋利見大人也又曰夫大人者與天地合其德所以明五之為大人也傳有明文焉詩舍傳而自為邪說使夫子之言不可信則誰為可信者耶

或問見群龍之義曰見群龍與見龍之大同但見龍專主九二而言見群龍則兼六陽而言耳乾變之坤六爻皆動大過則凶其事宜柔故曰見群龍無首吉謂德者見無為物首則吉之道也

或問坤元亨利牝馬之貞諸家或以為坤之四德或以為利牝馬之貞二說孰通曰乾坤之對也則亦當如乾之四德矣若占者得之則固為利牝馬之貞也曰牝馬之貞奈何曰道一而已無乾坤之分也但健健坤順性情各自不同猶之人稟天地之性雖仁義禮智無不具足至於男女異質則剛舒柔飲自有不能齊者故坤之四德配之於乾亦不無健順小大

之分也。說者以爲元亨利皆同乎乾而貞有異此不察理者之言也。貞如五爻之種元則種之發而爲苗亨則其苗之華利則其華之結而將復爲種也。泰之種則發爲泰之枝苗華葉稷之種則發爲稷之枝苗華葉未有枝苗華葉同而種獨異也亦未有種異而枝苗華葉同者也。今而曰元亨利同乎乾而貞獨異是同於枝苗華葉不同種天下寧有是理也。聖人以坤之貞爲牝馬之貞者正指其歸宿收斂處以別之也。其歸宿收斂者如此則其發越條暢者亦當如此矣。故別其種而枝苗華葉可知也是以天之性健而貞剛故其元亨也動而直其利貞也靜而專先一氣而無所待者也。地之性順

而資柔故其元亨也動而闢其利貞也靜而翕後得主而不
敢先者也為德雖同而資性各異故德之健順大小亦從是
而分此乾所以有辨也常見北方牧馬者云凡牝只送一牡
未常亂群所謂貞也說見項世安玩辭

或問五君位之正二臣位之正諸卦皆然獨乾六爻似皆言君
道坤以乾坤言則乾為君坤為臣也獨陽不生獨陰不成它
卦皆陰陽之雜唯乾坤為陰陽之純故不得與他卦同也聖
人以此二卦純陽純陰故獨為六十四卦之首而坤彖辭皆
以順承天道言之卦雖為二又實對言它卦無此也曰子於
坤六五黃裳元吉曰在坤之尊位故有此象其微意得毋出

於此歟曰然文言固明指其地道妻道臣道矣觸類而長之可也

或問龍戰于野之義曰龍陽也戰陽與陰戰也然而不遂稱陰者微辭也謂之微辭者何尊陽也陰當奉陽今以過陽而與陽敵聖人惧焉故不曰戰龍于野而曰龍戰于野所以存陰陽之分也春秋王師敗不曰王師及某戰敗績而曰王師敗績于某地者意猶此也故愚以為易春秋皆名分之書也或曰是則然也九易言血非指陰則指坎也上六曰龍戰於野其血玄黃夫玄者陽也陽何以言血邪曰文言釋之精矣當建亥純陰之月陽固未常斯盡也乾之震陽已微茫於地下

矣故曰為其嫺於無陽也故稱龍馬方是時陰固純陰然陽亦非純陽震陽雖生於体含二陰故曰猶未離其類也故稱血焉此氣候之精微固非可少立談見也如坎之為血雖屬水然亦同指陰氣言之豈謂陽之為血哉

或問屯彖辭諸家或以為九五已陷險中勿用自往唯利建侯則屯自解其說似為明白今予不取何也曰若按之說固不為無理然細思之其所見者乃中古之事至若開闢之初其實不然也結乾坤之後其曰天造草昧者蓋鴻荒之世也人物初生君上未力者搏智爭所謂難也難之既結人必思安天下之人將相與出力以平之則勢不相一而不可為就

其群焉以聚之中有定而親異者然後推之以為長而听命
 焉是所謂居也國各有居則民各有依而屯唯釋矣若夫居
 不自為而建邦分土委之賢明此乃中古定亂之舉非開闢
 亨屯之義也大抵屯與亂異世運之有屯天屯此也世道之
 有亂人亂之也此其所以異也曰是固然矣但屯何以不曰
 立居而曰建侯夫既曰建侯則必有尊且大於此者以建之
 矣曰居者天下之居侯者一國之居也生民之初推其才之
 賢者而戴之然後聚而為國迨其久也不推其賢中之聖者
 而戴之然後合而為天下屯聚而為國之時也可謂之侯不
 得為有天下之居也在屯曰侯在師比曰王聖人之旨深矣

曰誠如子言則屯九五不謂之居乎曰夫易不可以一端取也。以爻位言則五為一卦之居。以時用言則初為成卦之主。居言位。主言权。夫固各有攸當也。子欲明易而不得廣大弘通之法。則六不善為學矣。

或問也。剛柔始交而難生。造化二有難乎。曰唯即難。平聲也。一氣不暢舒。一形不頓露。唯不暢舒故其舒也。必有所就。唯不頓露故其露也。必有所成。苟句萌發迫暴然而泄。則是物也。必不能久。剛柔始交而難生。此非造化之病也。生物之機。當如是。夫不特此也。乾坤之後。更六卦皆有坎。造化之於物。凡發之而難者。乃其理也。今姑即四時之逆言之。物處冬藏之

極一旦震怒并裂而生意萌焉、就其萌動之中、又有齟齬屈折、然後生物益得以充養漲溢、激其力而使之奮、是以氣相煥而反寒、机將信而反屈、欲榮似瘁、欲開似闔、故物之生得有所遂而不夭、人但知貞下起元、不知元中有貞、此則赤娒交而唯生之義、所以特維乾坤之後、是蓋造化之微机、熟玩永傳大意可見矣、雲雷而屯、雷雨而解、而百果草木皆甲拆、屯象中出地而尚屈、甲象田拆下而將信、雖一字一畫之細、亦足以見此理之無乎不在、有非私智之所得為矣、

或問屯六二六四上六三爻皆稱乘馬班如何也、曰劉為居柔為民屯難之世、民未主柔附剛之時也、卦有四柔六三以柔

居陽非純柔者唯二四上以柔居陰是以求主主切皆柔焉
而欲往二欲從五四欲初初與五皆剛也得其所處故柔焉
之下以婚媾言之上亦欲從三三則似剛而非剛也失其所
處故柔焉而雖以泣血也屯有三柔焉皆柔居陰之久有兩
婚媾皆柔而有應之久其一無應故以泣血連如別之終之
義例其明整如此予讀易二十年通泰成稿又七年至改寅
夏始得此說後之覽者幸勿玩焉

或問蒙上九曰擊蒙不利為寇利禦寇釋者皆以上九過剛故
我以不利於為寇利在禦寇其說素何曰聖人以正理垂教
寇之不可為審矣何論利不利耶使為寇而利則將為之乎

九
故通義以爲上九以上討下其勢至順故冠不利而樂冠者
利也春秋傳襄公十年鄭皇耳帥師伐衛衛孫文子卜追之
敵兆于定姜姜氏問繇曰兆如山陵有夫出征而喪其雄姜
氏曰征者喪雄樂冠之利也衛人追之獲皇耳於大丘姜氏
謂樂冠之利辟竟正與此合也

或問訟六爻諸家多以爲二訟五四訟初上訟三六位皆對今
子以爲二四俱比於三則欲得去而與上九訟豈有說耶曰周
公之經與夫子之傳固已明言之矣予何人也而敢有說於
此且子獨不聞朱子之言易乎曰事無定證則虞理易差此
主論也今謂二訟四五訟初上訟三者無此證而唱此說者

也、夫五則居中正、訟之居也、而曰二訟五、此固差矣、猶曰易
言乎交、如衛元咺之事、尚卷有此、至於六三、一爻首尾皆無
訟意、象傳又以從上吉釋之、三既不爭、然上九果何為而訟
也、又何為而言訟之成也、其不通二已甚矣、爻於九二曰不
克訟、於九四亦曰不克訟、對李益言、最宜深玩、於六三曰食
舊德、貞厲終吉、食舊德、非所以致厲也、下果剛而上柔、於剛
一柔而兩剛據焉、所以厲也、夫上者三之所應也、二曰據之
則上與之敵矣、故象傳發其義、於二曰自下訟上、於三曰從
上吉也、曰上者、所以明其為上也、此又對拳而互見之也、上
九曰、或錫鞶帶、終朝三褫之、言三者衆辭也、二四雖弗克

其心固未服於我也服以銜之則辱之者至矣若曰說則
上與三訟三國服柔而郭集禘之又三者誰也豈又無此象
全人始為是說以說成耶抑有此象而聖人及之也呼鳴欲
探經意而不本于象欲考象而不審諸爻雖有精美與諸猶
之對克彘而誦于戈之功近湯武而讚揖遜之德辭則美矣
彼豈吾受乎

或問師六五曰田有禽利執言大言上九曰何繼之譽亨子但
釋利執而不及言字釋尺爵而不及何字畧之耶抑疑之邪
曰經中如此疑字頗多欲盡正之慮啓後世僭率之端欲強
通之則不入於穿鑿故不若存而不論於大義之自無害也

宋唐郭京周易本正謂利執言當為利執之蓋象文之言相近而誤也以上文推之良是釋者或以執言為奉辟伐罪首其說誠巧矣然田有舍者謂敗而有獲也利執之者謂宜執而勿緩也若曰奉辟則非可施之於田若曰假設之辟則又非經文命象之意也義所以存而不論者謂此故也何天之爵亨程子謂聞之胡翼之先生以為何首發問之辭也爻辭當止曰天之爵亨而小象則曰何天之爵亨以天爵語異故小象為是發問之辭也是朱詩云何天之休疑何天之爵當為何天之祿以韻升之良是也爵與祿象文相近而訛也嗟嗟何校滅耳何何可切又文選王文考灵光殿賦云何天爵

以无亨何皆作荷也如此六三曰比之匪人否彖又曰否之匪人六二九四皆曰豈其鄰日中見斗乾文言有西其咎全人乎皆錯簡明甚渙上九渙其血去逖出逖當為惕未濟亨小六疑舒文蓋緣彖傳曰小者亨也故後人誤加經文小字或問比一剛五柔而剛得君位大有一柔五剛而柔得君位柔不達剛明柔然比九五僅得下順從大有六五乃上下俱應柔主之用反勝於剛何邪曰柔暗剛明柔之類多小人剛之類多君子比有五柔小人多而君子少上六柔五之上不知有君六三資非中正又附上六唯六二六四皆以得位承應而知所比初六當比之初孤立無依而君於比三柔承比二

柔不比非九五之德不至而小人之性剛然也大有下乾上
離陽明用事一時皆君子也故上下翕合無有違心固六五
之孚有以發之而君子之性則然也無二卦所值之時各自
不同比剛為主其時其德為創業之卦故曰顯比王用三驅
失前禽邑人不誡吉蓋昭明洞達以納天下使八荒六合皆
得生語不但我無嗜殺之心凡為吾之屬者亦不待告誡悉
化其仁此真主創業之規也大有柔為主其時其德為守成
之卦故曰厥孚友如威如吉傳釋曰易而無倫也蓋虐心棄
信以待賢者德望自崇初非據人主之权以衛孤立之勢此
賢主守成之規也比當人心方附之初大有處人才已成之

後其難易固不同也。然六五在五剋中能推誠待賢無所疑
 脩而已。九五在五柔中能使下之私屬六皆坦然與物為春
 則其感動之妙有未易及者。蓋六五之所持者身也。九五之
 所化者物也。離而坎北則舒柔飲其用之廣狹豈不於此而
 可驗哉。嗚乎。自乾坤既交之後。歷屯蒙需訟師五卦而後得
 比。自比既交之後。歷小畜畜羝泰否同人六五卦而後得大
 有。比以坎統坤大有以離用乾。凡此諸卦蓋之所學精義蘊
 奧固非管蠡之所得窺也。

或問小畜。雲不雨。自我而却。而雲何以不雨也。曰震東離南
 坎北。三方之雲皆能成雨。惟兌西之雲不成雨者。陰柔陽也。

陽唱陰和造化之常今陰借陽事陰陽不和故不雨也曰震亦陰乘陽也然東雲能雨又何也曰震雖二陰乘一陽然一居二民陽寬而主先以一陰乘二陽二居一民陰又為主震之乘視兌之乘不同故也

或問履虎尾說者以虎為兌象正合西方之數其說似為有據予不是之取何也曰八卦取象本以艮為虎取其剛在上也肩以乾為虎二取其剛在上也東蒼龍西白虎南朱雀北玄武此乃七宿之象非八卦之象也以此釋經非其類矣

或問六十四卦皆先揭卦名然後雜以卦下之辭独履即曰履虎尾同人即曰同人於野艮即曰艮其背三卦若隱不揭

卦名而以卦名接下文之文何也曰六畫即卦也卦雖無名可也但聖人欲開天下後世以直志定業斷疑之端故欲名以見文純奇名乾純偶名坤肅而偶偶名而偶偶則名以屯偶而偶偶偶而偶偶則名以蒙此名卦之正例也然易奇而法不拘一端或揭名而為始乾或起簡而名已寓經文之妙不主故常是以履同人艮即以卦名接下文之義此名卦之變例也陋者執一律以窺聖經遂為六十四卦但三卦為無名可哂也已

或問履六三子以宋襄齊桓晉文當之何也曰邵子皇極經世書指此次為五伯之事蓋履以一柔居下卦之上而主五剛

臣儲君事伯之象也夫五伯之才、眇而欲視、跛而欲履者也。似盟會以代干戈、履虎尾者也。以諸侯而潛天子之权、武人為于大君也。志有餘而德不足、事若是而位則非、履人情之至危、以干天下之大功、五伯近之矣。然全人不言此於卦、獨言此於爻者、卦有先德、取其和也。爻居陽位、戒其剛也。大率易於卦爻多各自取義、卦道其常、爻言其變矣。

或問泰初九曰拔茅茹、以其彙、征吉、何謂也。曰按字書茹在左、聲者如偃切、根也在平、聲者人余切、相牽引也。今讀從玄、聲則拔茅茹者、拔茅根也。茅根在下、以喻下位、泰以九二為三陽之主、九二能拔初九、則為能用其類而往吉矣。釋者不考

字義各有所主、聚為拔茅連茹之說、非經意也

或問否九五休否之義、曰凡言休者二、復六二休復吉、謂休息以求復也、九五休否大人吉、謂休息以出否也、說者乃謂休否為休息天下之咎、不思否者塞也、若謂休息天下之亂、則文義為通、若謂休息天下之否、則碍理明甚、蓋否者小人得志、上下不交之卦、五雖得位、然其勢未可遽為也、其事與理、亦非可求為一決之快也、唯當休息安固、養其力、蓄其銳、待其可為而後發之、則否者傾矣、大人謂剛居中正、有大德而又有大位者也、剛而不中則出之而躁、不能為休否之事、剛中而不正則位儉於德、二不足以成休否之功、故必大

人而後吉也、五言休上言傾此時、又先後之序、猶利元誠所
謂善矣者、識先後者是也、後世如唐文宗不平閹寺、謂悉思
欲去之、意則是矣、然不知外植善類、以為腹心、內收持、以
為爪牙、單勢弱、急於有成、乃以數十兵士、僥倖一劫之勝、是
以事敗氣沮、終其身、閹寺之禍、無復可傾、此以後著為前者
也、天下万事皆具於易、應天下萬事、無不出于易者、時水
之際、在筭所先後而已、故曰差若毫厘、終以千里、

或問否利皆小人用事之卦、利罹于凶、否止于吝、輕重懸絕、何
也、曰否為利基、否為凶漸、履霜堅冰、勢有馴至、否之吝、正所
以成利之凶、非謂吝止于吝、不待利而後凶也、但否承泰後、

彼小人者尚亨君子泰寧之福餘剝則君子之津涸而天下之禍烈矣。禍烈則及其身所以心至于凶也。熙寧間王安石用事沮格善言使不得進此否之時也。然承祖宗安平之後天下迄未至即壞厥後章蔡用事則剝之時矣。

或問豫九四曰勿疑朋盍簪。先儒多以為衆柔之歸於四。猶疑之。提子晉其象甚明而象二道子仍舊以^說簪為疾何也。曰予曩習程注及覩王介甫諸象皆以為冠簪心頗然之而未能力定。後得嵩山晁以道集其說曰豫之九四所謂朋盍簪者由漢以來諸儒皆曰簪疾也。雖王弼不知牛在古非稱犄之資而及乎簪則二曰疾也。至侯果姓有冠簪之訓。這契今日穿窬。

之學不知古者禮冠未和有簪名也若此甚衆可勝道故以
上皆晁氏語大抵訓詁名義當斷以古說近世粹經非無新
義未免墮晁氏之訛又有僅通于此不通于彼者其類尤多
不勝舉也

或問豫六五貞疾先儒以為沉溺於豫子以為不得其豫何也
曰夫既謂之貞則非溺于豫者矣當豫之時衆皆歸四五以
柔柔剛徒擁虛器而权势俱去愷然不樂而成疾者也故書
曰王有疾弗豫借此意也安得云溺于豫也爰于二五僅不
言豫蓋以中正而不溺于豫五以失用而不得其豫故二爻
皆言貞凡此皆經有明文安得舍經而自為說耶

或問隨九五曰孚于嘉吉諸說多以為五孚二子以為孚四何也曰予初見東坡蘇氏引左傳嘉偶曰妃又參以遯九五應六二為嘉遯大以二五之說為然暨深思之然後知其未安也隨者隨也故六爻皆此而不應易以二五為重使果有相應之美豈傳不應沒而不言借曰畧之然考之於文六二同棄九五而係初九矣苟合如此尚得謂之嘉乎故愚以為九四曰有孚在道則九五曰孚于嘉吉者孚四也居中得正心無所隨善者孚之故謂之嘉耳彖例与兌九五同其曰孚于剥者早上六也

或問隨上六曰王用亨于西山旧說以為亨通之亨朱子用陸

氏說以為祭享之享。今子二祖陸氏未審何據而定之也曰
經文自有例第讀書者弗深考尔。凡易言享。許廣切曰亨曰元
亨曰大亨曰吉亨曰小亨曰乃亨未嘗曰用亨於某地也及
其言亨。許廣切曰公用享於天子曰王用享于岐山曰利用享
祀無不加用字於享字之上。經之命辭其例如此尚何疑耶。
周禮太祝云王過大山川則用事烏鄭云用事用祭事告行
也即用亨之義也。

或問盥取于幹父母之盥為象諸家多以鹿比為父母其說不
能尽通則將孰從而定也曰久必有象。独盥諸文未見有父
母之象誠為難通。今界器說評之。程子以初六居內在下一

為子幹父是則然矣然其說可通於初六至六四六五則不通朱王介甫以九二為初六之父六五為九二之母上九六五之父雲仍錯出其說已可笑六四無應無承遂為無父子就其本說中又自不能皆通也若夫以六五為九二之母則諸家皆然其說固不為無理然九二既以六二為母矣不知六五所謂父者果誰耶故愚以蠱剛上柔下為乾父坤母爻而成蠱是以諸爻皆以幹蠱為象初有厲二不可貞三小有悔四吝五用譽其所以不同者則據各爻之才位言之耳若以某爻為父某爻為母徒為是纏繞紛糾非但爻不可通併與前人壞而後人繼之意亦復失之蓋六五方以幹父致吝

既非成蠱者矣、則九二不當有幹母蠱之文、九二方幹母而
用中、二非致蠱者矣、則初六不當有幹父蠱之文、此其碍不
晚、然易見也耳、謂乾交巽、坤交艮而成蠱、考之方位、尤為可
證、乾交為巽、故又老而退、處于西北、而巽實對乾以任事、於
東北、皆為四維之卦、蓋不用之中、有致用之義、故卦為蠱而
又為幹蠱、殆有深意焉、此不可不察也、或曰漸六三艮、巽也、何
不謂之蠱而謂之漸、曰二漸而已矣、而非大有為之卦也、但
漸自艮而巽、其位順、之漸象也、蠱自巽而艮、其位逆、蠱之象
也、止而巽者、猶能為巽而止、則否而不為矣、

或問巽而止蠱、乾艮皆致蠱者也、然卦辭自利涉大川以下、

取象於巽何也曰利涉大川取巽為木之象先甲後甲取巽
為命令之象取其象非取其德也所以无取于艮者蓋方
有事止非所當用也曰頤曰大畜非艮在上乎何以能有為
也曰易者時也時有不同德亦隨異在蠱則剛止為失在頤
大畜則剛止為得矣故曰特為大

或問臨元亨利貞至於八月有凶臨以覲為反對覲四陰長正
當夏八月如此則周易心以夏時為正朱意者古未嘗改月
耶曰孔安國言自古皆以建寅為正唯殷革夏命而建丑周
革殷命而建子近世儒先以詩四月維夏七月流火九月授
衣則疑其不改月以春秋所紀則疑其改月此皆未有明証

是其以論卒無所折衷。案左傳昭公十七年夏六月甲戌朔日有食之。太史曰：當夏四月，是謂孟夏。言周六月，當夏四月也。改月明矣。詳是謂孟夏之辭，言周季夏當夏孟夏也。改時二明矣。杜預以長歷推春祓時日，如傳公十七年冬十有二月乙亥，春侯小白卒。注云：乙亥月八日是也。推改月不改月。至長歷審矣。復何疑耶？但文王衍易於商之末，商以建丑為正月，則四陰之月，正九月也。文王乃云八月何耶？蓋商周事非由神讓，故各立正朔，所以別新故，易觀听也。至若天運進退，則固以夏正為準矣。曰何以知之？昭公六月朔日食。太史不曰當殷五月，必引夏四月者，以此見當時占天皆以夏時。

為準也。班固律曆志亦曰：言歷者以夏時，正謂此也。春祫書王正月，言此乃周王庚子之正月，非夏正月也。各代不沿襲，裂於三統者，雖有子丑寅之不同，天時無改移，主于建寅者，則無商夏周之或異，是故春祫紀月，據周正而言也。易八月，依夏正而言也。出于周者，一代之定制，本于夏者，萬古之常經。夫子作史，非遵周制，無以紀事。文王衍易，非用夏時，無以應天。各有攸當也。案詩七月八章，紀廟書，廟特有誅焉，意非周公不能作也。一童言一之日，歲發二之日，栗烈三之日，予報指十一月十二月正月也。二章言春，曰載陽有鳴倉庚者，二月也。三章言昼月條桑者，三月也。四章四月秀葽五章五

月斯發動朕大章六月食贊及英七月享葵及菽八月剝棗
七章十月滌場紀事則用周之正紀月則仍夏之時可謂並
行而不相悖矣或云殷周末嘗改月商但以十二月為歲首
周但以十一月為歲商書曰惟元祀十有二月乙丑伊尹奉
祀王祗見厥祖又曰惟三祀十有二月朔伊尹以冕服奉嗣
王歸於亳即位復辟國之大事故於歲首行之以此見商雖
以子為歲首至若十二月之名固不易也然嘗既不改月春
秌以子為正月是又有大可疑者識者謂今書十有二月乃
後人追改一如顓頊古注漢紀曰凡此諸月號皆太初正歷
之後記事者追改之非當時本稱也以十月為歲首即謂十

月為正月今此貞正月當時謂之四月如顏之說則尚書十
有二月意者亦後人追改之也說者又謂師古所注乃漢時
事尚書追改之統尚欠明証愚按漢陳寵傳漢旧事斷獄報
重常尽三冬之界是時肅改始改用冬初十月而已元和二
年旱賈宗等上言以為斷獄不尽三冬故陰氣微弱陽氣發
泄招致旱災事在于此章下公卿寃奏曰夫冬至之節陽氣
始萌天以為正周以為春十二月陽氣上通地以為正殷十
三月陽氣正至天地已交万物皆出蟄蛰始振人以為正夏
以為春三微成著以通三統云云以春秋紀月及寵奏推之
則商周不特改月亦改時矣漢人去古未遠此為可証世之

論者或以為改月不改時甚者至謂日二不改皆不考之過也

或問臨六三甘臨諸家皆以為甘言以臨人其說合於兌為口舌之象十不是之取何也曰解易之難無異於相在屎之為料未辨之金凡吾所釋者於先全之旨其合與否皆未可知也然而間有可詆者以先全之例彰然在鳥故也凡爻言其者有二節九五甘節是也臨是甘言以臨則節為甘言以節可乎通義初彙亦未免陷于甘言之說及味甘節之象始悟前說非是然後益知爻例之不可廢玩象者二審之哉

或問臨之敦臨艮之敦艮皆處卦終独復至六五遂為敦復何

也。復與臨皆為剛長而上體皆坤。然臨之終為敦臨。復之終乃為迷復。又何也？曰：臨者剛進而臨乎上也。復者剛反而復於下也。臨忌於迫。迫則拒剛之語而不相得。故六三以迫而不利。上六在上則為敦臨。柔復貴於迫近。則親陽之道而不相遠。故上六以遠而為迷。六五稍下則為敦復。柔。

或問：頤中有物曰噬嗑。賁二頤中有物而謂之賁。何也？曰：九卦有是德。則圣人因取是象。噬嗑動而明。賁明以止。德有不同。故象二隨異。六十四卦皆然。不勝舉也。

或問：三男三女之卦皆為剛柔分。獨于噬嗑節言之何也？曰：易道深矣。文王之辭。但為占者計。至其成卦成象之所以起者。

皆不言也。夫子從而翼之以釋其所以然之故。於是文王之
旨始有所歸。至其所以然中之所以然者。又不言也。故噬嗑
節之所以成卦者。以剛柔分也。剛柔分。獨見於二卦。其所以
然者。莫得而知也。今姑因全人之言。求之噬嗑。剛柔分而成
震離。此以卦交言也。蓋自震之類。是為正東正南之位。春中
夏中。陰陽交換。其氣從是而平分焉。故剛柔分。獨言於自震
之離之卦也。節。剛柔分而成兌坎。此亦以卦交言也。蓋自兌
之坎。是為正西正北之位。秋中冬中。陰陽代換。其氣從是而
平分焉。故剛柔分。獨言於自兌之坎之卦也。是以噬嗑言剛
柔分。而曰柔得中者。終於離用事也。節言剛柔分。而曰剛得

中者、終於坎用事也、凡此雖非卦爻之所主、實卦位之所主也、剛柔分、獨見於二卦、豈偶然哉、

或問三男三女之卦、其往來相易者多矣、柔來文剛、分剛文柔、何獨於賁而為文也、曰、凡言文者、謂其燦然可見也、陽得陰而文明者、唯離、陰得陽而光明者、唯艮而已、離艮相合、所以為賁也、艱旅亦艮離之合、而不得為賁、何也、曰、凡離在下卦、則文明發於內而得位、此黃離所以元吉也、過上則失位矣、艮在上卦、則光明發於外而得位、此敦艮所以吉也、在下則失位矣、賁離未居下、艮往居上、剛柔上而柔下、得文之正位、故為賁、旅則離反居外、艮反居內、失其所履、此文之旅者也、

故為旅、易之名卦、豈為茲哉、

或問三女之卦皆乾出、三男之卦皆坤出、並二十四卦、或言卦
爻、或不取卦爻、或專主一休之爻、其故何也、曰卦爻雖同、聖
人惟取其關於卦義卦位者、爻位無取、則聖人不言爻、訟以
中為吉、故曰剛來而得中也、隨剛來而下賤、故為震、蠱剛上
而柔下、故為蠱、噬嗑卻言剛柔之平分、賁明剛柔之相文、無
妄以剛為主、故曰剛自外來而為主於內、咸以男下女、故曰
柔上而剛下、恒以夫統婦、故曰剛上而柔下、晉睽睽以柔進
故皆曰柔進而上行、蹇以中剛為主、故曰往得中也、解以一
往一復為義、故曰往得災也、其來復吉、乃得中也、損取上益

而成艮故曰損下益上益取下益而成震故曰損上益下漸以巽為主故曰進得位歸妹以兌為主故曰歸妹而釋之曰天地不交則萬物不生渙散也剛柔之義主於相交故曰剛柔而不窮柔得位乎外而上同以上言卦爻者凡十九卦皆取其關於卦義卦位者也猶之卦德卦象也卦之德有關於卦義者各人言之無關於卦義者不言也避與損之類是也卦之象有關於卦義者各人言之無關於卦義者二不言也此類尤多不勝舉也故卦爻之取猶是也

或問剝上九象傳曰小人剝床終不可用也小人之不可用明矣而曰終不可用何也曰此承上文民所載而言也凡易謂

柔為小人、亦謂柔為民、為人上者、不可無民、故聖人唯欲安
之、厚之以遂其生、居人上者、不可有小人、故聖人欲裁之、斥
之以消其勢、利有五、柔以民言之、則是為君子之載、以小人
言之、則是為君子之害、故曰君子得與民所載也、小人剥底
終不可用也、猶曰其載我者民也、而終不可用者、以其小人
也、此全人待陰柔之意也、

或問復六四曰中行、獨復、程子以占不言吉、斷為大凶之爻、朱
子亦畧祖其意、今不取是說、何也、曰凡卦以時義為重、坎為
剛陷之時、故雖九五在上、未底於吉、復為剛長之時、雖初九
在下、已能无咎、柔時方尚、復六二以休復而吉、六三以頻復

而屬六五以敦復而無悔、安有復而凶者乎、若謂群陰極盛、微陽在下、不能有為、則上六迷復、當為大吉之占、不當言凶矣、六四所以不言吉者、特事未至于吉耳、豈可謂之凶耶、況彖辭朋來無咎、則固已許之矣、特久不重出耳、凡彖不言吉者、象又言之、謹彖辭止言君子有終、九三則言君子有終吉、震彖辭止言震來覩覩、嘆言啞啞、初九則言震來覩覩後、嘆言啞啞、吉是也、彖已言無咎、則象畧之、復六四是也、朱子引董子正誼、不謀利、明道不計功之說、謂於剝六三及此爻見之、其論固正、第不當混為一說、蓋剝與復、其時自各不同、剝之時、衆皆剝剛、唯六三獨知所應、不與衆合、所謂正其誼

不謀其利也。復之時衆皆從剛，六四處其間，獨為有慮而從之。尤切。猶所謂悅周公仲尼之道，北學於中國者也。雖其從善之心，易地皆然。論其文辭所主，則各有攸當矣。

或問六十四卦大象，唯以本卦二象對言之，不雜它文，然無妄曰：天下雷行，物與_文亦_文也。曰：無妄本以動無邪妄為義。天下有雷，固無妄矣。然當二有妄發之時，唯雷行而物與者，乃為無妄也。先時而發為僭時，則發者不能以遽發，非物之所與也。後時未收為散時，則發者欲發而不非物之所與也。唯發當其時而物皆與之者，斯為無妄矣。故曰：先王以茂對時育萬物。對時二字，與物與二字，正相應也。先儒或謂天下雷行，物與

與之以無妄其又雖精但非大象命肆之法蓋雷在地中則無妄之理固有之以始者不待天下雷作然後與以無妄也誠如是則氣先而理後矣

或問無妄六二曰不耕獲不菑畲朱子答門人疑問曰若曰不耕而獲則多却而字若曰不介耕而求獲之利則又湏增數字方通嘗謂此爻乃自始至終都不言為而偶然有得之意今予之說以為非道妄得似二謂不耕而獲者得毋多却而字之病耶曰經文自有例第讀者弗深考尔明夷上六曰不明晦謂不明而遂晦也豈以多却而字之病耶曰雖泰其曰達令武王不耕而獲蓋戰國時已有是語矣坊記曰子云礼

之先幣帛也。欲民之先事而後祿也。先財而後禮則民利無
辟而行情則民爭。故君子於有饋者弗能見則不視其饋。易
曰不耕穫不菑畲。凶。以此坊民。民猶賁祿而賤行。鄭康成注
云言必種之乃得穫。若先菑乃得畲也。安有無事而取利者
乎。以坊記言之則謂不耕而穫。語意明甚。至若下文凶字今
誤為則字。其甚明。蓋今世所行易乃王輔嗣本也。王乃賁
本也。鄭康成本本賁氏而坊記實康成所注。則東漢之本備
讀為凶。至王輔嗣時而誤也。以漢承誤故解者多失本意。未
免曲為之說。此後世釋經所以為難。好古之士深歎恨於漢
石經之云者。為此類歟。

或問大畜六四童牛之牯諸說者多以施橫木於牛角今子乃以牯為牢六五豮豕之牙諸家止言牯豕攻去其勢為豮今子乃以牙為牙何也曰許氏說文釋告字曰從口從牛牛觸人角著橫木所以告人也故易曰儻牛之告至解牯字則云牛馬牢也周書曰今惟牯牛馬說者但見說文告字更不考牯字蓋緣說文解告字係大書解牯字係細注故忽畧失考然易文今作牯許人乃作告若曰儻牛之告則可言橫木今作牯則當從牢義書曰牯牛馬若謂施橫木於角則唯牛可施馬將安用書乃云牯牛馬何耶說文又云牯無角牛也牛尚未角木將安施又馬用告此尤可証然則許氏釋告字牯

字雖不誤而曰僮牛之告亦誤也豮豕去勢之豕豕既去勢復處於牙則陰躁之性不期而自止矣非謂豮豕不足以傷人也若五曰豮豕之牙則四當曰童牛之用豕豕豕註文命辭之法之意也書牯牛馬孔安國注云牢也鄭康成以牯為牯牯之牯施牯於牛馬之脚使不得走失周禮疏載鄭司農答令則童牛之牯牛在乎曰牯牛無手以前是當之今周易註文從牛不從木自當以孔注及說大為証若以施木於角加牯於是二說對言則鄭說為優也

或問坎六四曰樽酒簋二用缶。細約自牖。終無咎。何謂也。曰諸說或以為陰雖之時。不倣文飾。唯事質素。以進於君。此知其

一、未知其二也。當坎之時，非六四所能濟也。陽道常饒，陰道常乏。六四六非能大適其德於九五者也。居正近君，能識其誠而已，能竭其誠而才不足，故曰樽酒簋飯用缶不足之時也。柔方陷剛，其時五非無疑於四者，四雖欲自效於五，五未必受之也。約者，生於不信也。古者事神治民皆有約。周官司約曰：凡大約，約書於宗彝；小約，約書於丹雘。皆所以著信也。坎為通，牖者坎塙以通明者也。四能因主心通明之處而納約焉，則區區自效之急，可以自達於五而終無咎矣。以多難之時，處多懼之地，苟誠不能以自通，咎之叢也。

或問：離為日，坎為月，日月者，天地樞机，不可偏廢者。今大象言

明兩作明出地明入地皆指日言之而絕不及月何也曰日月以明為德九言日月者皆頌其明也八卦之德各有所主而言明者獨離而已艮雖言光明然非艮德之所主也全人於重離見卦有明兩作之象於晉見卦有明出地之象於明夷見卦有明入地中之象故三卦之象皆於日才取之若坎二言月是復以明歸之坎矣八卦之德不贅于離而相侵者故坤雖動也剛易稱其德則止言柔艮雖時行則行易稱其德則唯言止二猶文王非無武而謂之文武至非無文而謂之武皆指其盛者而言也曰明明也然離不直言日而泛言明又何也曰明雖即日但離或言日則坎不可廢月全

謂之明明則專指離德之盛而日固在其中矣坎不言月此
經文之微意李杲所當深思也大率圣人立言氣象渾涵而
法度森嚴觀者固不可失之鑒上不可委之罔夫子晚而好
易至於常編三絕竹簡三折漆字三滅其注精如此今學全
人之書者其可以易處此哉

離當言日而言明此亦經文之微意

或問離上九曰王用出征有嘉折首獲匪其醜無咎此剛爻也
故取出征之象子乃以為六五征上九何也曰以出征為上
九自征者其說讀初之似通及細推之則不可通者有四焉
一上體迫於下體之失故上三爻皆不得其安四笑而焚五
涕而嗟至上九則不特當下體之失又當上體之失其危如

此何得用之有而能有嘉無咎耶况九三當下体之終且有日昃之凶上九在上体之終反有成功之喜其不可通一也夫文有對待謂之征則有征之所柔同人之伏我謙之征伐明夷之南狩未有無對者也謙上六晉上九勢窮於上不能及下故曰征邑國維用伐邑以見所伐者己之私邑非自此文而征彼文也今以為上九出征不知所征者果何久耶其不可通二也九經言首皆指上爻也此上六曰比之無首既濟上六未濟上九皆曰濡其首明夷九三曰得其大首謂得上六之首也今上九出征而自折其首毋乃不可乎其不可通三也九經言用者謂其用當如此也非謂以此爻而用

彼文也、說者以王用出征為用上九以出征、經文無此例也。
曰公用亨于天子、曰公用射隼於高墉之上、曰王用亨於西
山、曰王用亨於帝、吉、曰王用亨於岐山、此豈亦謂五用之耶。
其不可通四也、但以征伐為剛文之事、在離言之、則為若誠
然者、蓋當思之、離之上卦皆通相迫者也、曰迫於三、五迫於
四、上迫於五、離火之勢然也、五固非剛、然據離體之金、進而
居尊、文極生武、明極生威、則固有征伐之象矣、此其在外也。
故稱出為、以其居上也、故稱首為、是以竊疑其為五伯上也。
參之以坎、似若可記、坎陰盛之卦也、然陽在陰中、至其末則
陽將盛、故上六曰係用徽纆、寘于叢棘者、潛伏之象也、離陽

盛之卦也然陰在陽中至其末則陰將盛故上九曰有嘉折
首者陽傷之象也終於二卦之終蓋微寓消長之象意固深
矣、題於此久雖不敢定為不易之論姑識所見然亦差優於
它說也

周易或問卷二

或問咸恒二卦剛柔皆應傳獨於恒曰剛柔皆應何也曰咸感也言感則應固在其中矣恒但言雷風相與巽而動故又以剛柔皆應明之也它如泰否損益既濟未濟亦剛柔應傳或取其應或不取其應者各據卦義而言也

或問咸艮二卦獨取象於身何也曰取象不一或取諸身或取諸物不必拘也咸主於感感必以心艮主于止艮莫若於背上九賓當背之位故艮以上為主也

或問恒初六曰浚恒貞凶無攸利先儒以為求望之深子以為深入之深何也曰凡評久德者當論質之剛柔與位之高下

巽、翼也、入也。初六以德則為入、以位則為下、故浚者、深入於下而已。恒之為道、柔宜從剛、初宜處四、四既動而不下、初遂伏而不來、深入長往、以此為恒、蓋過於恒而非相與之中道也。君以初為深求於四、則但以虛理言之、殊無得於文象之寔。蓋深入於下、可以言浚、深求乎上、不可言浚也。否則初為深求、則相應之心、既已切矣、四焉得田而無獲耶。

或問復臨泰皆言亨、大壯夫不言亨者、剛固已亨也。姤遯否觀剝唯遯言亨、否與剝固非亨矣。姤現尚不言亨、遯乃言亨、何也。曰遯非亨也、遯而亨也。聖人不忍小人之禍、欲君子者起而拯之、當其位、值其時、賁蓋有不得而遯者、苟其時之當遯、

則避者固為亨矣、但聖人處避、又自有道、避四剛、又辭皆美、其避唯九五、欲其嘉避、嘉避者、所謂剛當位而應、與時行也、避小人、初至之鋒、不縱、小人已甚之、毒陰防順、拒嘉避之義、得矣、曰避曰應、二義自不相防也、

或問避六二曰執之用黃牛之革、牛柔象也、子以為九五之事、何也、曰是亦善問矣、然乾為馬、坤亦言馬者、亦取象於馬也、取其牝馬也、柔為牛、剛亦言牛者、非取象於牛也、取其革也、牝言柔、革言剛、革初九曰鞶用黃牛之革、此亦謂剛也、但曰鞶曰執、則有賓主之異、馬此象之所以容也、曰是則然矣、然姑用金柅、避用黃牛之革、其不同何也、曰卦各有時、時異則

用殊、用殊則象別、姤為一陰長、陰之勢未足以抗陽、此金柅之時也、遯為二陰長、陰已得位、陽稍弱矣、僅能為革而止、天革有不純乎剛之象焉、堅韌包固以防陰之繼、故在姤為用金柅、在遯為用黃牛之革、此時義之所以大也、若夫三陰而否、盡據內卦、則雖剛中不足以止陰之進、而爻亦不復言正矣、於此可見大易隨時之道、而於取象之序尤覺著明也。

或問大壯六三曰羝羊觸藩羸其角、說者或以九四為藩而三觸之、然耶否耶、曰藩所以限內外、九三限於內卦之極、故稱藩焉、至九四則已入上卦、據二柔界限之內、故文辭曰藩決不羸者、以四為藩、則藩決不羸、是以四決四也、其象例為不

通矣、大壯四剛二柔、文義本自易曉、諸說紛紜、遂覺深晦、或
以初九犯九四者、其說極為有碍、四剛同體、豈有初九反攻
九四之理、自復至夬、九剛長之卦、無此例也、或又以壯忌太
過、唯剛居陰位者為著、雖於義稍通、然亦一偏之論、蓋九四
為大壯之主、宜壯者也、九三次之、可以漸進、未可直前、九二
居中應五、可以守正、未可立散、此文之義、自當別論、初九潛
陽、最在下位、不可進而強進、故凶、蓋以剛居陽、其性使然、非
謂大壯不可以剛居陽也、若九四則當任決藩、壯與之敵、蓋
惟恐其不壯、非謂其能以剛居陰、不極其壯也、

或問晉初六六三、諸說皆以為有應於九四上九、予獨以為進

而從六五何也曰凡爻有以同位而相應者有以同德而相
求者此當審其時義時用之所主何可一律齊也大畜上艮
下乾為剛得用故初九、二不應六四六五而志從上九此
剛不應柔之明例也晉上离下坤為柔得用故初六、三不
應九四上九而志從六五六柔不應剛之明例也大畜六爻
義極明整近世建安蔡氏說雖未瑩然大意已為得之予亦
畧祖其意說於通象矣晉六爻義亦明整考者或未詳也蓋
晉下三爻皆為進者但初六最在下位抑於上之二柔故曰
晉如摧如六二進而當位勢不至如初之摧矣但六五尚遠
猶有所隔未离乎愁也進至六三則接乎離矣為衆之首以

附乎五象所信許而從焉者也。在下曰推，在中曰愁，在上象
允，三柔爻之序，可謂明也已矣。三柔順附而六五接之，故曰
失得勿恤。往吉無不利，失得勿恤者，置二剛於失得之外也。
往吉無不利者，往而接下三柔也。九四進而無依，故曰晉如
鼫鼠，貞厲。上九進而已窮，故曰晉其角，維用伐邑，厲吉無咎。
貞吝。二爻皆無相應之象，尚焉得以應言耶？說者但見六三
小象曰衆允之，志上行也，遂誤認志上行為應。上九不思六
五在上，故六三有得志之文。上九孤立，在本文無得應之象。
人自**有**楚之憂而未其主者焉。其主之隣，則其人之姻之家
也。不知者以為從姻也，而不知其從主也。此則三五之喻也。

初六則遠於六五者也故本文畧無應上之辭說者亦不得而強通矣況九曰衆允謂三柔皆有從五之志而三居其先故進而衆允也若三自應上九何關於衆而衆允之耶其義尤為明白也朱子常以推如愁如易中少有此字疑此文必有此象但今不可曉耳予因朱子之言而精思之蓋推者抑於下也初六在下之象也愁者鬱於中也六二在中之象也以見聖人設象命辭之精如此此易所以未易輕議也愚又因是而推之朱子嘗問西山蔡氏謂康節邵子之數伏羲也當理會否曰伏羲須理會過朱子以為不然愚謂聖人神明所照初無假於研窮推測之力徹始徹終無大無細自一而

兩自兩而四自四而八以至死會運世之無窮聖人固無不
燭也譬猶元氣之運包舉無垠萬古一息萬化一噓若不屑
屑於小且細者及至發為草木之華千葩萬葉至纖至巧又
若幾於造物者用意而為之夫大無不包細無不舉者此造
化所以為造化與聖人之窮造化亦猶是也聖人苟空窮窮
然未以形容六畫之情狀哉特理明而象徹象徹而字順六
十四卦之繫彖三百八十四爻之繫象一字一畫乃其理數
之不然雖聖人亦自不知其然也於乎至哉

或問家人九三曰家人嗃嗃悔厲吉婦子嘻嘻終吝說者多以
嘻嘻為咲鼎之聲或以為悲嘆之聲二說孰長曰以嘻嘻為

咲者、於文辭大義似為小通、蓋謂嗃嗃嚴察、雖悔厲而吉、
若婦子嘻嘻、咲樂無節、則終吝矣、但九三則極明過、初無咲
樂之象、建安蔡氏以為介在西柔之間、故有此象、不思家人
六爻義極嚴整、六四正應初九、在三九之上、九三但為內卦
之長、其所臨者下二爻耳、若謂其兼上下西柔而並有之、是
乃失道之甚者、不待嘻嘻咲樂而後為失矣、按釋大嘻、嗃嗃
也、咸湯見四面羅者曰嘻、晝之矣、詩曰噫嘻、記曰嘻其甚也、
皆嗃嗃之聲也、未嘗以嘻為樂也、凡爻辭始厲中吉終吝、自
有此例、晉上九厲吉無咎、貞吝是也、治家之道、嚴察可也、嚴
察之過、主婦子愁嘆、不得其安、則不祥莫大焉、故自我之嗃

者言六則始雖悔厲而吉自彼之嘻嘻者言之則終至傷
恩而吝悔厲其始也吉其中也然而不免於吝者又其終也
或問家人九五曰王假有家勿恤吉諸家多以為勿虞子既辯
之彖例矣今謂九五勿恤而勿願六四又辟似無此意柰何
曰凡久言勿恤者五卦言勿恤者一俱未嘗無所指也泰九
三勿恤其孚者勿恤六四也晉六五勿恤往無咎者勿恤四
上也夬九二莫夜有戒勿恤者勿恤上六也萃初六勿恤往
無咎者勿恤六二也升用見大人勿恤者謂六五宜見九二
勿恤四上也義皆有主何独家人九五独無所指乎使勿恤
二字不闕文義則聖人自可止曰王假有家吉足矣何必為

是贅辭使義無所歸宿也。耶此又所指甚明。然復深惟其義。自見蓋六四雖正。應初九而九五則其比也。以爻之定分言之。遠而應者。固不為無情。以柔之私心言之。近而比者。亦未能忘情也。故聖人於初九戒之曰。閑有家。悔亡。閑者。欲防六四之比乎外也。於九五則又戒之曰。王假有家。勿恤。言九五當正。應六二以其寘室。不可私顧。六四以分其情也。二爻象正相閑。聖人蓋有微辭焉。讀者第弗深考耳。大凡讀易之法。初如行大黑闇中。當凝神注視。却立勿動。久之則大黑闇中。若有隙光。炯然而發者。漸漸辨色。始可移足。又久之則所陷縱橫。始可問津。勿謂其下可曉。而不可求。亦勿謂一見便

決以聖人之意為止於此也。此乃愚陋平昔用工身歷而知之者。甚非玩易之捷徑。第中人以下。分當如此讀經尔。

或問睽三士皆言見。舊說以為離目。故有見象。是則然矣。然初九亦曰見惡人。何也。曰六三見與曳。上九見豕負塗。為所見之見。初九見惡人。乃往見之見。二義不同。睽有二見。三遇見。生于疑信。因於遇也。大率睽章之初。人情方疑。若急于求合。則愈不合矣。初之見四。待其既復而後見。四遠遇之。此初四之睽。所以合也。二之遇五。蓋二有相求之情。五有欲往之意。遠然而遇於巷。此二五之睽。所以合也。三澤之動。上炎之亢。成睽最深。故必待其極而後合。其遇非復如二四之易。必暢

為兩而始諧也。合睽為同之過。其可追哉。然諸爻但言無咎。唯上九為吉者。正緣害不甚。則利不著。孤不極。則比不深。而窮相遭。然後婚媾之真情見矣。易以初上明本末之義。睽而吉。理固然也。

或問睽解為反對之卦。蹇曰利西南。不利東北。解曰利西南。西南坤方。東北艮方。蹇彖傳曰利西南。往得中也。於卦爻為乾交坤中。而為坎。解彖傳曰利西南。往得衆也。於卦爻為乾得坤衆。而為震。其說是矣。然艮亦乾交坤也。獨不謂之西南。而謂之東北。何也。借曰東北為艮正位。然蹇之坎為西南。及解則震為西南。坎不復為西南。又何也。曰二卦西南之說。最為

難通。先儒但據各卦而言。在蹇則以西南屬坎。在解則以西
南屬震。終不思坎在蹇既為西南。在解獨不為西南。何故。予
盾如此。予蓋深滿之矣。當試推之。據文卦圖。無不以南為上
北為下。則六畫之位。同當南上而北下。艮上為南而坤當西
南下為北。而艮當東北。蹇坎上艮下。則利西南當為坎。不利
東北當為艮矣。解震上坎下。則利西南當為震。而坎不可言
西南矣。然上可謂之南。今而無言西南者。取其為坤之爻也。
下可謂之北。今而無言東北者。取其為艮之方也。解無艮則
止。可言西南。不可言東北矣。無言西南者。以卦交取也。無言
東北者。以卦位取也。如明夷卦。皆以坤在上而取南。狩南征。

之象其寔前退於上故謂之南經未嘗於下卦稱南亦一證也

或問解九二曰田獲三狐說者多矣或以狐為初三上或以為初三五或以為即坎三爻也三說孰長曰狐者穴處潛伏之獸坎之象也上六居上不可謂狐九二在下安得遠獲則指初三上為三狐者其說似未甚通初與三皆二之所比五者二之所應亦畧可以牽合矣然五居也其卦震也安得為狐春秋傳晉秦韓原之戰秦人占之其辭曰千東三去三去之餘獲其雄狐夫雄狐必其居也謂狐為居乃敵國相謂之辭非二所得施於五也則指初三五為三狐者亦未為通其謂

三孤即坎三爻者、固免前二說之病、但二自田之、又自獲焉、天下無是事也、故余疑當以六三為孤、蓋築而言之、則孤者坎也、細而分之、則初承二而應四、非二之所討也、三乘三而慢暴、則孤者三也、然六三一爻而謂之三孤者、蓋孤者六三之得象、三者六三之得數也、竊意如此、更思之、

或問解上六曰、公用射隼於高墉之上、說者多指為六三、六三坎體、似非隼象、奈何、曰、隼為鷂、取其不能飛而下伏、禽為雉、取其文明而上騰、坎之為隼、疑若不類、然取象下一、或取諸性、或取諸畫、離乾卦也、而為鸞為鸞者、取其畫也、坎水卦也、而為隼者、取其畫也、何以知其為取諸畫也、曰、以小過知之、

小過三三以內寔外虛而取飛鳥之象三小過之肖也則其為準也似矣

或問三剛三柔之卦其相為損益者多矣何獨於損益而得名也苟艮上兌下可以名損則兌上艮下亦可以名益矣而乃謂之咸巽上震下可以名益則震上巽下亦可以名損矣而乃謂之恒何也曰損益成卦之義予於通義一畧發其端矣夫謂損益皆主內卦而言者建安蔡氏說也謂損益為陰損物陽益物而得名者臨川王氏說也然蔡氏但得其一端王氏又得其一端而未盡故其說可通於本卦不可通於它卦是以讀者不能無疑蓋損以兌下艮上為損下之剛兌乾成

兌而名損是矣。然咸雖艮剛在下，但艮為剛之消，卦雖屬陽，而時不為益，故艮下兌上止可為咸，不可為益也。益以震一翼上為益，下之柔，交坤成震，而名益是矣。然恒雖巽柔在下，但巽為柔之長，卦雖屬陰，而時不為損，故巽下震上止可為恒，不可為損也。艮兌通為消之時，而兌在下者，又陰在內而消物也，故取義於損。巽震通為長之時，而震在下者，又陽在內而長物也，故取義於益。上下者損益之所以成體，消長者損益之所以致用。易之名卦，非極天下之至精，其孰能與於此。

或問損益以卦象名卦之義，曰損益皆以卦爻名卦，損下卦上

畫之剛、益上卦上畫之柔、故曰損下益上、其道上行、損上卦
初畫之剛、益下卦初畫之柔、故曰損上益下、民說無疆、傳之
釋經、可謂明甚、後儒務為包羅、以求加於夫子之外、見損以
下、兌上艮成卦、遂為損、津之深、益山之高、不思損乾之上畫、
益坤之上畫、始成兌艮、非謂損兌以益艮也、且謂移津益山、
殊不体物勢、有山顏而就津、為得津損而增山、故大象曰山
下有津、損、山摧、津湮、損之象也、卦言下升而益上、象言上顏
而損下、二義不同、其例則如此履之卦、夬象、今為得合、為而
一以為名卦之義耶、夫子釋卦、或主卦德、或主卦体、或主卦
爻、或主卦象、或可並取、則無取之、各隨其義也、若損則唯取

卦爻不取卦象傳無是說卦無是人焉得而私增之如益之家為風雷益初其義固與卦合但卦取損上益下為人故不復及風雷得其精則不及其蘊矣

或問損君子以德含空欲益君子以見善則廷有過則改子特以卦畫釋之其義則畧而不言何也曰非敢畧也凡易之義玩辭而得之者淺玩畫而得之者深而德含空欲過善改過於卦畫之義尤為深切者明乎慎言之而淺不若畫之而深故不欲復贅其說善觀者自可以意之不待注脚矣蓋愈之起也其勢至大二柔之象也然愈雖甚大而有時乎發懲則止矣一剛逼之於上德心伏之流也其隙至微一柔之象也

然歎雖甚微而無時不萌、室之空道、非体贴細謹不可、二剛防之於下、室也、善屬陽、陽主進、二剛進而著乎上、見善之象也、一柔在下、入而從之、廷也、過屬陰、陰主退、二柔乃升而喻乎中、有過之象也、一剛在下、奮而擊之、改也、於此見圣人現象、窮天下之至精、其寓教、極天下之至切、独恨鄙闇不能融類而長、是則可憾尔、

我問損六三曰、三人行、則損一人、一人行、則得其友、諸說皆以三人為乾、今予何以知其為坤也、曰、予所以知此三人者、以其一人者而知之也、所以知此一人者、以其友而知之也、以六三得上九、則曰得友、以上九得六三、則曰得臣、友謂上九、

則此一人者之為六三明矣此一人者為六三則此三人者之為坤文明矣

或問益六三曰益之用凶事無咎有字中行告公用圭何謂也曰按周官六瑞之制王用填圭公用桓圭侯用信圭伯用躬圭子用穀璧男用蒲璧子男不得用圭者以未成國也如此則卿大夫固無用圭之制或諸侯使覲聘於天子及隣國則執蕃居之圭璋以往二非其自有也今日告公用圭則寔有不可考者豈告公用圭之礼或者出於殷制而周改之耶先儒謂族人簡質至周始立等次也常闕疑以俟洽聞續案莊子楚昭王延屠羊說以三旌之位司馬彪本作三珪云謂諸侯

之三卿皆執珪也

或問益九五曰有孚惠心勿問元吉諸家皆以為不問而元吉可知子独以勿問為委之初九而不問何也曰文言元吉者多矣若謂益九為勿問而元吉可知則凡他卦稱元吉者必待問而後知耶其不通如此子何不尔之思也益九五初九本同乾体初自上來奮其陽德以躬益下之責五之所任者也五不自為而任初為之存其真心以為益生則得居人之道矣損本益下唯民是視不可計其損而有所問也故初九得以成其大作之功者九五勿問之力也有孚惠心勿問是故元吉豈謂勿問其元吉哉傳釋之曰有孚惠心勿問之

矣天下唯定有惠民之心者始能不計益下之費使此心微
有不定則雖散財發粟無一少吝但察其所安必終有計慮
顧惜之意縱能不靳未必能不問也故有孚惠心則勿問之
矣傳辭明白如此人猶有憾焉然不通夫子之義故通大王
之義者無是理也

或問夫九三曰壯於頄有凶諸家多釋剛壯見乎面為勇之過
子以為三與頄上勇不由內不能有凶屬色而已何也曰大
壯為剛壯之卦夫亦言壯者以維大壯之機也大壯柔猶居
寡至夫則但餘一柔故大壯初九曰壯于趾征凶至夫初九
曰壯於前趾往不勝為咎有咎而已不復言凶矣大壯九三

曰小人用壯君子用罔尚不言咎豈有夫九三之壯而反凶者故愚以為壯頗有凶乃不能用壯之罪非謂其過於壯也使九三果勇於決柔則壯頗有凶既為剛果之過下文不應復言君子夫姤無咎也壯頗則有凶夫夫則無咎義尤昭晰也臨川王氏曰頗者休之無能為者也此說是也而謂其不能潛德待時則非也時至於夫又復待焉則將何時而可也耶蓋壯趾者乃前進有為之象壯頗則徒示有為之貌實無必為之心身為君子不純乎其為君子此其所以凶也若謂遁剛致患凶自外来則下文當如九二之有或不當言遇雨者濡矣濡兩者陰歟和於陽之象也仇則寇焉應則和焉以

上六施於二與三者視之則二欠之情偽可知矣三蓋剛德而雜於私意故小人得以私求之夫使小人得以私於我則我必有以致之矣尚何說哉

或問姤一柔初長九五體乾為剛之主所宜固而道絕之爻辭乃取舍章之象何也曰卦各有特在姤之時遇者當之柔生於初繫之金柅此九二之責也若避則柔長至二執之用黃牛之革當為九五之責而九三不能為役矣蓋主下卦之用者在二主上卦之用者在五故也姤九五視初六最遠非用九二不足以遏初六之進非舍晦章美能不自用不足以盡九二之才履姤之道莫善于此非置而不為也人主遇天

下事豈必身親為之而後為功哉、

或問萃渙王儼有廟、與家人王儼有家之義、曰此言有者、謂其
不徒有也、猶唐人云西平有子、非謂其有子、謂其有贗子也、
王者之至於有廟、豈以柱楹桷之崇、饗昭穆之次、而謂之有
哉、必也次焉而精神聚、享焉而神人洽、始可以言有廟也、至
於有家、豈以盛翟禘之儀、列嬪姊之奉、而謂之有哉、必也佐
乾元而成功、听雞鳴而相儼、始可以言有家也、故萃渙家人
之言有、皆嘉之也、

或問用九二曰朱紱方來、九五曰用於赤紱、程子以朱紱為王
者之服、赤紱為臣下之服、諸家多同、朱子語錄謂詩云朱芾

斯皇乃指方叔疑臣下亦朱也其詳奈何曰按詩註朱帝黃
朱帝也正義引斯於傳曰天子純朱諸侯黃朱皆朱帝據天
子之服言之也於諸侯之帝則謂之亦帝耳禮記玉藻曰一
命緇韠幽衡再命赤韠幽衡三命赤韠葱衡正義二引毛詩
傳云黃朱色淺則二名赤韠也則大夫亦緇色又淺耳余案
周禮公侯伯之卿三命其大夫再命子男之卿再命則亦緇
者卿大夫之服也玉藻上文曰韠居朱大夫素士爵常韠即
韠也祭服謂之韠者尊之而異其名耳曰居朱者蓋天子諸
侯之通稱也何以知居之為通稱也曰以下文知之曰天子
直公卿前後方大夫前後推士前後正叙韠之制則別天子

公侯大夫士而言之叙辨之色則但以居大夫士言之則知
居為天子公侯之通稱明矣故愚以朱紱者天子公侯之服
也然方叔卿士亦朱紱者周制諸侯入則為王卿士王之卿
士與諸侯等耳天子純朱故名朱紱諸侯黃朱亦名朱紱也
因以朱紱赤紱對言則朱紱指五赤紱指二固無可疑但程
子以朱紱為王者之服不知諸侯之紱亦朱也建安蔡氏以
赤紱為諸侯之服不知卿大夫之紱亦朱也朱也亦朱也亦
赤一也但以色之淺深別分之尊卑耳

或問鼎元吉事先儒因象傳止釋元亨遂以吉字為羨文其說
何如曰彖辭唯大有吉元亨鼎言元吉事比之諸彖最為簡

矣大有柔澤尊位而五剛應之剛健文明此大亨之卦也鼎
維革命之後大器已定帝位方協明主虛矣下應剛德此大
吉而亨之卦也卦既不同則繫彖亦異雖三百八十四爻之
象辭尚無一同者豈有六十四卦之彖而反同也耶聖人繫
易猶造物賦貌者如印印泥則不名為易矣若謂傳不及釋
遂指為美大則井彖辭無復無得往來井井傳亦未嘗申言
也亦委之美大可乎凡六經訛缺非大不得已不當有所改
正特啓後世舞文僭上之心此亦不可不謹也曰是則然矣
然歷觀彖辭無不指事而言不指事者亦必曰利貞曰無咎
往大有止言元亨鼎止言元吉亨若皆無所事者何也曰大

有鼎皆守成之卦、守成則目前王已成之業、不待作為而自治也、故大有但言其德剛健而文明、鼎但言其而耳目聰明、能如是而天下已得矣、尚何為哉、吾嘗謂大有鼎、前王已治、後王無所作為之卦也、蠱、渙、前王不治、後王不可不為之卦也、

或問震上六曰婚媾有言、何以知其為九四、九四不近媾六五、乃遠媾上六、何也、曰、先儒論八純卦皆無應、上六婚媾、固以同体取之明矣、卦唯二剛、初九在遠而居正、九四在近而不正、則四與上媾、抑又明矣、然而不遠求六五者、大抵震之發也、初屬終和、九四陷二柔之間、震而遂泥、不純乎其為震者、

也然施之六五猶未盡喪其震也故震往來厲至於上六則震之德衰而情動矣是以爲婚媾也求之未得至於有言夫子謂愬焉得剛其九四之謂欤

或問先儒論艮其背不獲其身爲止而止行其庭不見其入爲行而止彖推曲演使人讀之惺惺深廣凡不可以辭說穿者今子乃以背爲上九身爲下五爻不獲其身行其庭不見其入爲上下皆止而不慮乎此其說奈何曰自有易以來釋此者多矣文王孔子之旨卒不白於後世可嘆也已聖人立言本自簡易明白愚嘗謂義理所在以平夷而得之者天也崎嶇而得之者人也非經意也朱子嘗言近看易見得聖人本

無許多勞攘自是後世一向亂說妄意增減硬要作一說以
強通其義所以吾人經旨愈見不明且如解易添虛字去迎
過意來使得今人解易乃去添他定字却是借它做己意說
了又怨或者一說有以破之其勢不得不支離更為一說以
護各之說予予說萬與易全不相干不云伊川先生見得許
多道理了不肯自做他說須要寄搭放在經上易不須說得
深只是輕輕地說過晁酢安斯語通義之作雖不能尽循朱
子之迹深歎守尽朱子之意如艮六爻初為趾二為腓三為
夤四為心五為輔上居輔後為背餘爻皆不言背唯上九言
敦復之吝以厚終也所謂止其止止其所也背與身相背上

九雖為長主、然靜處於上、不與下接、又內外皆止、各安相敬、而不相與、是以不復其身、行其庭、不見其人也。彖傳所釋、初無止而止、行而止之意、其曰時止則止、時行則行者、乃廣長義而言之、初不以此卦配辟之下也。無艮其背一句、自謂一節、謂止其所也。不復其身、行其庭、不見其人、又謂一節、謂上下故處、不相與也。傳文甚明、今以艮其背不復其身為一節、行其庭不見其人為一節、亦非。程朱子嘗論乾元亨利貞云、今若以元者善之長、亨者嘉之會、利者義之和、貞者事之幹、與朱子筮者言、豈不糊塗了它。今謂止而止、行而止、雖學者熟復、尚未深解、若筮者得之、何以异於乾四德之糊塗也。

耶

或問漸歸妹之義曰咸恒明夫婦之道及少男配少女長男配長女也漸歸妹明嫁女之義乃少男嫁長女長男嫁少女也故咸言取女吉至漸則更其文曰女歸吉歸妹則又以妹言之所以別其為兄弟也說者失考乃以漸為長女從少男歸妹為少女從長男几于顛亂天倫者此不可以訓也漸女歸之義不明故歸妹果剛之義亡也夫漸有六四果九三亦柔果剛也而傳不言於漸獨言於歸妹者何也蓋漸坤之上爻交於乾之下爻而為巽故六四之歸者歸九五也以柔果剛其理順此漸所以吉也歸妹坤之下爻交于乾之上爻而為

兌故六三之歸者歸九二也以柔果剛其理逆此歸妹所以
凶也柔承之義但據巽兌言之故漸順而歸妹逆也說者乃
謂歸妹位不當也為自二至五位皆不當柔果剛也為三柔
二五柔四不鬼歸妹以六三為成卦之主卦之得名與象之
取義皆於三乎取之故曰歸妹征凶無攸利又曰所歸妹也
謂少女也六十四卦之名義無如歸妹所釋之彰且確也歸
妹與漸為反對二卦之義正宜對玩漸曰其位剛得中也者
主九五而言也歸妹曰無攸利柔果剛也者主九二而言也
六四歸外故指九五六三歸內故指九二傳文所指蓋亦明
矣得夫子之義則通文王之義聖人後起不易吾言也

或問豐卦名義曰永傳於豐旅渙節四卦名義皆畧而不言旅
不言其所以旅渙不言其所以渙豐僅曰明以動故豐節僅
曰剛柔分而剛得中故釋者竟未能的明聖人之意愚於旅
渙節三卦名義粗已得之独明動故豐之說絕所未解後讀
序卦忽豁然省悟序卦曰得其時歸必大故受之以豐豐者
大也旁大者必失其居故受之以旅自古豐大之時內則興
章文物昭設可觀外則我功武畧動輒如意中國克盛四夷
賓服居臣上下自恃以為豐焉者也不知好極盛者未有不
隳廢極大者未有不喪日中則昃月盈則食天地盈虛與時
消息豐一變而為旅離之大明內限於艮逸散而趨外失其

居矣在內為得其所歸在外為失其所居也自古國家內治已張外復好難侈然有無涯之心者必有分裂流離之禍及其後是以豐之象傳象其辭皆危窮大失居之訓實萬代之金鏡也此說蓋通義已成至已卯冬後後得之人心有樂經意無窮故特識之庶几同志者之有考焉

或問旅止而麗乎明此卦德也似與卦名義若不相屬者其說奈何曰凡傳言明言文明者皆謂離之德通上下而言也同人之大明以健噬嗑之動而明是也言麗乎明麗乎大明者皆兼指離之德位唯六五得當之晉順而麗乎大明睽說而麗乎明是也苟離在下卦則不言麗乎明矣但晉六五為離

得用故大之而曰大明、睽離旅六五、離得用而不得時故止
曰明而已、旅羈旅也止而處乎明、所謂保偏方以係人望、離
明之照天下所闇不可以旅而輟也、晉元帝之建業、宋高宗
之錢塘、是已時義之大、所以極言於旅者、是可不深惟其故
哉、

或問兌九四曰、商兌未寧、介疾有喜、程子以為疾惡之疾、子以
為疾病之疾、二說孰長、曰經文自有例、先儒偶失考爾、無妄
九五曰、無妄之疾、勿藥有喜、損六四曰、損其疾、使遄有喜、以
疾對喜、皆病除而喜幸之辭也、或疾不除、則不言喜、豫六五
貞疾、遯九三係遯有疾厲、鼎九二我仇有疾是也、

或問換名義諸家多以風行水上為卦之所以得名今子不是之取何也曰卦名義以大象取者凡八卦夫子於彖傳皆明言之泰曰天地交而萬物通也否曰天地不交而萬物不通也晉曰明出地上明夷曰明入地中明夷賁曰火動而上澤動而下井曰巽乎水而上汲井革曰水火相息鼎曰以木巽火旅渙不明言名卦之義故釋者皆以風行水上言之為非不知風水象渙其說差為易曉但彖傳不言故不可與泰否晉明夷賁井革鼎例論矣曰大象之旨奈何曰風行水上但不逝而不留之意蓋風行於山于地其勢或碍而不通或窒而相激不足以極渙散之勢唯行於水則無復留滯蓋巽之

張非坎之渙也。若曰以風渙水則失命象之旨矣。象蒙噬嗑
恒象傳雖及卦象但名卦之義不專取此故不得與泰否諸
卦同也。

或問節以兌坎成卦坎何以能節兌何以不能節曰人情履險
則戒戒則知節履說則縱縱多失節曰是則然矣。敢問初九
九二亦同兌體何以能節也曰初九不出戶庭九二不出門
庭不出者謂不與六三接也非謂其能節也如隨初九出門
衣有功謂出與六二接也故爻於初二皆不言節於三獨言
不接節至三爻始以節言之而得位曰安節五得中曰甘
節上過中曰善節久之序可謂明也已矣。

或問避剛當位而應與時行也小過過以利貞與時行也時行之義奈何曰避小過所謂時非其時者也激則速禍徇則失貞消息盈虛、執與二者之間可也避為柔長剛消之時君子待小人之道不可遽絕之以甚其毒隨時施宜因其未應善制而潛消之未為失也小過為柔盛剛隔之時柔之隔剛其勢雖成、聖人於此猶望其回心革面庶几改過者故戒以利貞而不忍絕之也天下雖有難為之時、聖人無不款隨時而施之使其易危以為安、安邪以趨正易之義也避寧新法初行賢者多效、效初而歸何益邵子此言可謂得大易時行之義矣

義矣

或問中孚九二曰鳴鶴在陰其子和之說者以為九五和之子
何所見而歸之初九也曰易者明分之書也自上下之分言
之則五居而二臣自小大之分而言之則剛貴而柔賤或柔
居居位剛居居位則以夫婦祖妣別之未有二謂五為子者
也若五謂二為子則有之矣蒙九二子克家是也二謂五為
母亦有之矣晉六二受茲介福於其王母是也中孚二五皆
剛豈有九二反為父九五反為子之理耶若以初九為子正
合彖初六隨初九漸初六之例蓋經中多以初爻為子也中
孚二五無應故九二孚於初九九五孚於六四說者既誤以
其子和之為九五遂謂九五有孚亦如為孚於九二不思同

体曰彖異体曰交此凡例之不可易者也又言有孚挛如者
二小畜九五是也小畜四五同体相孚與中孚皆為巽卦柔
巽剛而剛孚之故孚之深者莫巽若也又之凡例若此覽者
可以洞然矣

周易或問卷二

周易或問卷三

或問子於繫辭傳燕取朱子蔡氏之說以做朱子論孟集註之遺意是則然矣於六十四卦何不皆然獨繫辭傳為然何也曰夫理乃天地間公共之理非我所得私或已未能見幸有一人先見之著而為書油然而有當於吾心吾但知說而從之豈有人我之間哉何况玩繹之久涵泳之熟實無異於我心之所流出者但形軀差別耳此繫辭傳所以燕取二家也若夫朱子註六十四卦實而不塞簡而不晦分別卦位卦德卦象卦變條項各有歸宿此固甚善但其主意謂不可以夫子之說便為文王之說殊不知文王又於各爻之蘊未及深考此

其所以難盡從也。蔡氏亦間有佳處。愚於二家之所長者。初未嘗立異。但綱領大旨。各自有見。不容強合。非我也。理也使後世幸。而後有朱子者出。又幸而吾之書得傳於後焉。知其觀之不油然有當。亦如吾之於朱子。繫辭之說哉。

或問精氣為物。游魂為變。是故知鬼神之情狀。先儒皆以精氣為物。屬神。游魂為變。屬鬼。今通義似皆指為遊魂之鬼神。何也。曰。攬集張子以至而信為神。死而歸為鬼。其義固精。但易凡言鬼神。皆指幽者。隱言之。未嘗指神為人。也。如曰。與鬼神合其吉凶。曰。鬼神害盈而福謙。曰。而況於人乎。況於鬼神乎。以人對鬼神。則人自是物。神自是變。隱顯殊塗。幽明異域。安

得指人為神耶、如記曰鬼神之德、其盛矣乎、亦非謂鬼與人
之德盛也、太丘釋經、唯當遵守聖人之意、不當糅入諸子之
意、若論鬼神字義、則神固信而鬼固屈、但其所以屈信者、初
亦不外乎游魂之所為也、

或問安土敦乎仁之義、曰先儒以安土為隨土皆安、蓋因語有
小人懷土之戒、故以安土為疑、而以隨土皆安釋之也、隨土
皆安、稍稍知義分者能之、此何足以語聖人之盛德、大傳以
章、蓋指作易聖人盡性之事、隨土皆安、淺之為言矣、大率古
先聖守樸養素、務因其土俗之宜、深不欲風氣之散、又簡而
質在、意真而道存、淳而不敦、篤於仁、唯恐傷之、是以情不開

而欲不廣財不暴而物不殄能行其所以愛焉邵子皇極經
世所謂三皇之法無殺是也後世土益變文益備事益繁於
是天地之間得全其生植者鮮矣安土敦仁唯包犧神農黃
帝堯舜教聖人得當之豈隨土而安足以語此邪嗚呼聖人
不作天下槩槩焉以萬物為事殆至今日非但質不可見文
亦無復存矣孰能變槩以為文又返文以為樸使生民復見
安土敦仁之治乎

或問大傳曰易有太極是生兩儀周子太極圖說復曰無極而
太極何也曰無極乃未混合之時不可形容故曰無極也太
極乃混合而未分之時兩儀乃混合中漸有分判之時四象

則分判而生天生地之時其實一理但說有詳畧耳朱子與陸子靜極力爭辯謂無極即是無形太極即是有理不可分別議者或謂果如朱子之論則周子但止曰太極是矣何必以無極加太極之上為是重複也朱子註太極圖說其釋無極而太極曰上天之載無聲無臭其實造化之樞紐第可形容天地已判後之太極而非未判之太極也已判之極可以樞紐言未判之極不可以樞紐言也識者試精思之品彙之根柢也可謂工於修辭矣然造樞紐

或問黃帝堯舜垂衣裳而天下治其詳奈何曰鄭玄易緯乾鑿度注云古者田漁而食因衣其皮後王易之以布帛春秋正

義曰、易以布帛、自黃帝始也、杜佑通典曰、衣玄而裳黃、旁觀
輦翟草木之華、乃染五色、始為文章、以表貴賤、而天下理、竊
意衣裳之制、始自黃帝、至堯舜而加文也、

或問乾四德之義、曰、朱子答門人一章詳矣、今備錄于此、自元
者善之長也、以下四句言天道之自然也、君子體仁、足以長
人、以下四句言人道之當然也、元乃善之長、萬物生理皆始
於此、衆善百行皆統於此、故於時為春、於人為仁、亨乃嘉之
會、嘉美也會、猶齊也、嘉會者、衆美之會、猶言齊好也、春方發
生、萬物未大、故齊至於夏、然後洪纖小大各各暢茂、無一不
美、其在人則禮儀三百、事事物物、大大小小、一齊合則、所謂

動容周旋皆中禮故於時夏於人為禮周子通書則謂之中也利為義之和萬物至此各遂其性事理至此無不得宜故於時為秋於人為義貞乃事之幹萬物至此收歛成實事理至此無不中正故於時為冬於人為智此天德之自然其在君子所當從事於此者則必体仁乃足以長人嘉會足以合禮利物足以和義貞固足以幹事此四句倒用上面四字極有力体仁者以仁為体猶言骨子皆仁也仁皆泛我而發故無物不在所愛所以能長人嘉會足以合禮者言當美其所會也歆其所會之美當美其所會蓋厚薄親疎尊卑大小相接之禮各有節文無不中節即所會皆美所以能合於禮也

利物足以和義者使物物各適其宜不相妨害自無乖戾所以為義之和也貞固足以幹事者幹事言事之所依以立蓋正而能固萬事依此而立在人則是智至靈至明是是非非確然不可移易不可欺罔所以能立事也無是非之心非智也知得是是非之正堅固確守不可移易故曰智周子則謂之正也

或問乾九三修辭立其誠言說如何曰程子以擇言為修辭已為近之朱子以無一言之不實為修辭是實其辭非修其辭也唯大程子以修辭為非禮勿言最為明白蓋非禮勿言正是修治其辭之謂若但曰實之而已正恐應事接物雖先自

欺之病或發之而不中節合則則亦未得為善修其辭者自欺固足以喪吾誠不中節合則亦足以病吾誠蓋誠者真實無妄之謂自欺固妄也不中節合則亦妄也唯非禮勿言則二者之意俱已得之尤抵人能持非禮勿言之戒則念念修省所謂實其言之意固已在其中矣修業即進德之實事修辭即修業之節目最先而最切也

或問乾九五先天後天之義曰朱子本義曰先天勿違謂意之所為然與道契後天奉天謂知理如是奉而行之集中各張宣公書曰先天後天乃是左右參贊之意如左傳實先後之意思却在中間正合天運不差毫髮所謂晬喙同時也愚按

朱子此說最精而意未純故通義雖祖朱子之說而不能盡
 遵之也蓋左右參贊實先後之與啐喙同時之喻二義各自
 不同左右參贊出於有心是聖人成能之事先天後天乃從
 心所欲自與道契乃聖人與天為一之事所謂啐喙同時也
 先天後天不差毫髮如本義之云必待知其如是然後奉而
 行之不幾於晚乎此章朱子已自的見經意但修辭未瑩學
 者所宜參考也

或問先天後天皆起於震然先天震在北後天震在東其說亦
 何曰陽一陰二九數必起於一故震居最先此先天後天所
 以皆起於震也但先天八卦始於冬至其時陽生於子而未

出於寅是有氣之始也故震起北方子中自子歷亥而運一周前長後消今曆家五子元之法蓋本乎此而施之於十二時者也後天八卦始於立春其時暢自子積而出於寅是有形之始也故震起東方寅初自寅至丑而運一周前生後成今曆家五寅元之法蓋本乎此而施之於十二月者也起於子中者不可見肇在氣始故曰先天起於寅初者可見肇在形始故曰後天非以犧文定先後也先天後天本相經緯子元寅元互為機軸此雖先儒所未發愚以理測之知其如是灼灼也日氣與形果如是其判乎曰有氣而後有形大而萬古之運小而一日之運皆如是也今姑以一日明之日有十

二時夜半子時是為冬至此一日之所繇以始者也然大明不出於子而出於寅卯辰之間在子無形至寅以後而有形尤於晦明可驗也王者以寅為歲首豈特人事當然哉天道固已然矣

或問管輅嘗云不詳古之聖人何以處乾位於西北坤位於西南夫乾坤者天地之象天地至大為神明君父覆載萬物生長元首何以安處二位與六卦同列輅嘗設是難而本傳不載其釋之之說其義云何曰八卦之義不可以一端取伏羲八卦蓋列兩儀流出之序圖左皆屬陽而極於乾圖右皆屬陰而究於坤乾南坤北故曰乾坤定上下之位皆此也文王

八卦蓋列五行流轉之序東木南火西金北水
中土乾位西北迺以純剛而為金坤位西南迺
以純柔而為土乾坤之道固大但配之五行則
其位當如是也何可一端取哉一說乾知坤作
陽生於子故乾位戌亥在子之前所謂乾知大
始也陰成於酉故坤位未申在酉之前所謂坤
作成物也亦通坤皆屬土土位居中故坤位四陰卦之中艮位四陽卦之中也

或問序卦建安蔡氏以為辭旨明易更不注釋
自今觀之則似有難通者其說奈何曰愚自幼
讀易每至序卦亦以明易易待之不復深思也
中年玩繹既久疑義與旨如盤根錯節不可
措手間得一二則皆精深微密乃知聖人之言
未易測度

上下篇之次先後聯絡蓋不勝其難通也。以為明且易而不復釋者、談何容易。如有過物者、必濟有事而後可大緩、必有所失、有其信者必行之。以上數條、若但以文義推之、固見其為明且易。如欲深惟其義、則實有未易通者、豈可忽哉。今如釋其可通者、其所未詳、則明注於下、以俟明者焉。

或問上篇下篇之序、曰此卦運也。卦運之說、奈何曰易事体大用宏、誠有未易測者。大率聖人以理誨人、不以數語人。故卦運之妙、祕而不泄。然世特無深於數者耳。先後之所以相仍、消息之所以相乘、誠能深惟其故、愚意其聯屬貫串如春之必繼以夏、秋之必續以冬、其意謂乃有基於文義之可玩

可樂可驚可喜者矣。今姑以迹言之。皇降而帝，帝降而王，春秋之後為戰國，戰國之後為秦，秦亡而漢，漢裂而三國，三國合而為晉，晉變而夷，夏祚，宋齊梁陳旅於南，漢趙燕秦魏閔於北，隋併之不五十年而唐，唐得幾三百年而五代，自常情觀之，唯見其成敗倚伏不可測而已。自聖人觀之，理以約數，數以定事，理有必至，數有固然，意其所不能預知者，特漢劉唐李之名尔。故曰其或繼周者，雖百世可知也。又曰聖而不可知之謂神，謂聖而不可知者，常人之誦聖人也。若其所以為聖而不可知者，正謂聖人之無乎不知也。古稱神農神禹，皆此意也。六十四卦之序，首乾坤，次咸恒，中泰否，次損益，終

坎離次既濟未濟今姑撫其大綱至於先後消息之所以然者非天下之至神其孰能與於此

或問邵子稱孟子不言易以為深於易其迹可得言否曰易者時也震之初爻在屯則利居貞在小過則勿用永貞艮之上爻在蠱則高尚不事在頤則利涉大川巽九二巽在床下則吉上九巽在床下則去節初九不出門庭而無咎九二不出門庭而凶莫非時也邵子曰雖竹乎德若違乎時亦或凶矣堯舜之揖讓此聖人事也湯武之征伐亦聖人事也然使違乎時則典燕噲禪國陳恒代齊曾無以異譬諸造化其煥然溫者仁氣也肅然涼者義氣也仁與義非不美也然使當秋

而煥不可謂仁、當春而肅不可謂義、故德不當時謂之時德、
可也。聖人者亦時而已。七篇之作、明仁義以抹人心、勸齊果
以行王道、皆時也。至稱夫子可仕則仕、可止則止、可久則久、
可速則速、以為聖之時、嗚呼、若此言者、可謂深於易也已。豈
必言易而後為易哉。